



**Claudii Fleurii Abbatis Historia Ecclesiastica**

Ab anno Christi 1572 usque ad annum 1581

**Fleury, Claude**

**August. Vind. [u.a.], 1772**

**VD18 90118642**

§. 13. Ordo Equitum sancti Spiritus a Rege institutus.

---

[urn:nbn:de:hbz:466:1-67232](#)

Cancellario, Præposito, Præfecto cere- Sæcul. XVI.  
moniarum, magno Thesaurario, Ta- A.C. 1579.  
bellario, Feciali, atque Ordinis Ostia-  
rio.

### §. XIII.

# *Ordo Equitum Sancti Spiritus a Rege institutus.*

E quidem Rex pro Hispanorum more *Thu. l.c.*  
cuilibet Equiti, Præfuli, ac Mini-*Avila l.6.*  
stro Cœnobiorum bona in commendam *M. zeray l.c.*  
attribuere decreverat, verum summus *p. 286.*

Pontifex a Clero Gallico sollicitatus fese huic usurpationi acriter opponebat, quamvis nonnulli Sanctitati suæ fidem facere niterentur, eum Ordinem ad Catholicæ, & Apostolico-Romanæ Religionis amplificationem, & sectarii veneni extirpationem institutum iri, cum id equitum præcipuum jusjurandum esset: verum quamvis id reclamante sacro Ordine impetrari non potuisset, nomen nihilominus permansit, & Equites S. Spiritus commendatores adhucdum nominabantur, eorumque singulis Rex mille aureorum pensionem assignabat, quæ tamen postea ad tria librarium milia restringebatur. Ferunt, quod Henricus Rex hunc Ordinem in honorem Sancti Spiritus instituerit, eoquod ipso Pentecostes festo in Poloniæ Regem electus fuisset, eademque die postmodum

Kk 3

Frantz

Sæcul. XVI. Francici regni solium obtinuisset, imo  
A.C. 1579. ipsa etiam hac Pentecostes die primam  
 lucem aspexisset: insuper referunt alii,  
 quod novum hoc Equitum Collegium in-  
 stituerit, ut imitaretur exemplum Lu-  
 довici Andegavensis, qui Tarentinus di-  
 cebatur, eratque e regia Franciæ stir-  
 pe oriundus, ac Jerosolymæ, & Sici-  
 liæ Rex, necnon Joannæ I. Neapolis  
 Reginæ, & Provinciæ Comitissæ mari-  
 tus: porro hic anno Domini millesimo  
 trecentesimo quinquagesimo tertio Or-  
 dinem Sancti Spiritus instituerat, hu-  
 jusque instituti diploma viginti quinque  
 capita complectens Veneti Henrico III.  
 Regi, dum e Polonia redierat, exhi-  
 bebant.

Ceterum huic solemnitati cum sum-  
 ma magnificentia celebratæ Octavius  
 Blandinus Florentinus Papæ Nuntius,  
 & postea Cardinalis intererat: Regem  
 vero usque ad supremi Altaris gradum  
 quidam Episcopus conducebat, eique  
 genuflexo Ordinis torquem imponebat:  
 erat tunc Rex oblongo paludamento ex  
 nigro serico aureis liliis, & flammis di-  
 stincto vestitus, torques vero ex liliis  
 ita assabre connexus erat, ut ex illis  
 flammæ alternatim cum litera H. co-  
 ronis circumdata, hostium trophæis  
 intermixtæ profilire viderentur, infimo  
 autem loco appensa visebatur crux au-  
 rea

rea encausto opere elaborata, atque Sæcul. XVI.  
octo radiis, quorum quilibet in aureum  
punctum desinit, atque in quovis crucis  
angulo aureum lilyum præfert, orna-  
ta, in cuius medio columba exhibe-  
tur (\*). Rex dum in supremum hujus  
Ordinis Magistrum proclamatus vitam,  
regnique sui vires pro tuenda fide Ca-  
tholica impendere, jurato spoponderat,  
thronum suum conscendens ceteros E-  
quites jam antea designatos creabat, qui  
non modo fidem defendere, sed etiam  
hujus Ordinis statuta servare interposi-  
ta juramenti Religione promittere ju-  
bebantur: equidem ab initio hæc statu-  
ta nonnisi sexaginta quinque articulos  
complectebantur, progressu tamen tem-  
poris usque ad nonaginta septem excre-  
verant, qui tamen hodie ad nona-  
ginta quinque reducti fuere: ne vero Or-  
do Sancti Michaelis vilesceret, Rex ne-  
mini, nisi pridie Ordini Sancti Michae-  
lis sit aggregatus, novum hunc Ordini-  
nem conferri, illumque passim Ordinem  
regium appellari præcepit: eapropter

Kk 4                    etiam

---

---

A.C.1579.

(\*) Consuli potest P. Honoratus a S. Ma-  
ria in sua Equitum militarium historia mihi  
fol 131. & 458. ubi hujus Ordinis institutio-  
nem, ac insignia describit, atque in chalco-  
graphicâ pictura exhibet.

Sacul. XVI  
A.C. 1579.

etiam Equites Sancti Spiritus vocantur  
Equites regiorum Ordinum.

§. XIV.

*Cleri Gallicani petitio de celebrandis  
suis comitiis.*

Th. l. 68.  
Spond. hoc  
an. n. 3.

Quamvis Rex hac ratione fidei orthodoxæ studium præferre videretur, nihilominus vel ejus exemplo, aut omnino illius auctoritate indies novi in religione abusus irrepserant; quippe decimas sibi in Postiacensi colloquio indultas usurpare pergebat, quamvis Diæceses jam ab ultima Januarii die anni post Christum natum millesimi quingentesimi septuagesimi septimi ab hoc onere liberari debuissent: eapropter Episcopi cum ejusmodi corruptelana nonnisi ægerrime ferrent, libellum supplicem Regi porrigebant, rogantes, ut ipisis totius Cleri Gallicani comitia convocare, ibidemque statuta religioni proficia condere liceret. Id quidem Rex saepius abnuebat, tandem vero Clero permisit, ut hoc anno Domini millesimo quingentesimo septuagesimo nono Parisiis conventum cogere posset: quam in rem regium diploma die duodecima Januarii datum tradidit, in quo secundi Ordinis Proceribus hæc comitia accedere prohibitum, ac duntaxat permisum, ut ex qualibet Provincia duos, vel tres Epi-